

ادبیات عمومی و تاریخی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۲۷ رمضان ۱۳۳۶ جمعه ایرتسی ۶ تموز ۱۹۱۸ نومرو ۴۴ — ۷۵

ارتحال پادشاهی

۲۴ رمضان ۱۳۳۶ و ۳ تموز ۱۳۳۶ چهارشنبه زوالی ساعت (۷.۰۵)
تخت عالی بخت عثمانیده طقوز سنه ایکی و آلتی کون بتون معناسیله پدرانہ
پ صورتده اجرای سلطنتدن صوکره « ارجی » امر جلیله لیک زن اجابت اوله‌رق
چهارشنبه کونی اقسامی وسطی ساعت یدی بی بش کچه ارتحال دار بقا ایدن مغفور و مرحوم
سلطان محمد خان خامس حضرتلری ، اجداد عظاملرینک برچوق خصائل نبیله و سجایای
حالیه و برکزیده سنه مالک ایدیلر . جتتمکان مشارالیه ۲۱ شوال ۱۲۶۰ سنه سنده سلطان
عبدالمجید خان فردوس آشیانک صلب پا کندن قدم نهاده عالم شهود اولمشلردی . مغفور
پدرلرینک اوچنجی مخدومی اولان مشارالیه حضرتلری سرایده اصول معتاده وجهله تعلیم
و تربیه کوزمشلر و سلطان عبدالحمید ثانی دورنده ، ولی عهد سلطنت اولمق حسیله پک صیقی
یرتضیقه معروض قاله‌رق غایت منزوی و محجور برحبات امرار ایتمشلر سده بو اوزون دوره
اعتکاف و انزوانک تأثیرات مؤلمه سنی مطالعه و تتبع ایله ازاله یه بذل غیرت و تاریخ ، شعر
و بالخاصه تصوف و ادبیات فارسیه ده تبحر ایتمشلردی . مشروطیتک اعلانی اوزرینه شخصیت
علیالریه روا کورلمکده اولان تضییقات زائل اولمش و دور سابقده کی حزین ماجرالری
و علی الخصوص سجایای برکزیده و خصائل نجیبه لری ایله ذاتاً قلب ملتده مستثنی بر موقع
حرمت و محبت احراز ایتمش اولان مغفور مشارالیه ، ۳۱ مارت اختلالندن صوکره مجلس
عمومی ملینک قراری و صادر اولان فتوای شریفه نک حکمی موجبجه ۱۳۲۵ سنه سی

نیساننک اۆن دردنجی صالی کونی خلع ایدیلن سلطان عبدالحمید ثانینک یرینه و سلطان محمد خامس « عنوانبه جالس سریر اورنک خلافت و سلطنت اولمشلردی .

مرحوم مشارالیه حضرتلری اوسنه حزیراننک ایکیسندن هرکویه و آغستوسک اون طقوزنده بروسه یه ، ۳۲۶ سنه سی حزیراننک اون اوچنده ادرنه یه ، ۳۲۷ سنه سی مایسنک یکریمی دردنده روم ایلی یه سیاحت و قلعه سلطانیه ، سلاویک ، اسکوب ، پرشته و مناستری زیارت و قوصوه صحراسنده جماعت کبری ابله جمعه نمازینی ادا بیورمشلردر .

خاقان مغفور حضرتلری ، شهزاده لک حیاتی نصل مرارت و المار ایچنده کچر مشلر ایسه ، دور سلطنتلرندن دخی برچوق بحرانی وقایع ابله مشغول و متأثر اولمشلردر : حوران ، کرک ، آرن اوودلق اختلاللری و فرقه منازعات و مجادلاتی حکومتک اداره سنی برچوق مشکلاته معروض براقشدی ؛ طرابلس غربیمزی استیلا املیه ، ایتالیا ، ۳۲۷ سنه سی ایلولنک اون آلتینسندن اعلان حرب ایتیش و [لوزان] معاهده صلحیه سی حکمنجه ظواهره عائد بعض قیود و شروط تحتنده اوقطعه یی ید غصبنه کچر مشلدر .

بالقان حربی فلاکتی اوزرینه حکومت سنیه روم ایلی قطعه سنک اک مهم اقسامندن محروم قالمشدر . بوهنکامه دن هنوز ایکی سنه بیله کچمه دن جهان حربی ظهور ایتمکله تکرار سفر برلک اعلان ایدیش و ۱۳۳۰ سنه سی تشرین اولنده روس دوناماسنک بوغازه واقع اولان تجاوزی اوزرینه آلمانیا و آوستریا ابله متفقاً حرب عمومی یه اشتراک مجبورتی حاصل اولمشدر .

ایشته بوغوائل واضطرابات ایچنده خاقان مغفور صحتجه ده راحتسز بوانیورلردی . مزاج هایونلری ، سنک تاثیریه آره صره انحرافه اوغرامش و شکر و مثانه راحتسز لقلری ، بعضاً وخیم وحاد دوره لر کچر مشلدر . عاقبت برهما ابله کسب شدت ایدن شکر خسته لغی نتیجه سندن سلطان محمد خان خامس حضرتلری ترک جامه حیات بیورمشلردر . مشارالیه حضرتلری ملک خصلت برپادشاه اولوب نبالت حسیات ، حسن نیت ، تواضع ، حمیت و زهد و تقوی کی فضائلیه بتون ملتک بحق حرمت و محبتنی قازانمشلردی .

جناب حق ، مشارالیه حضرتلرینی مظهر رحمت و غفران بی پایان و ملت نجه لرینی انواع فیوض و مظهر یاتله کامران بیورسون آمین .

تاریخ ارتحال اہل ہندو

[« آتی » رفیقہ زدن] :

(ذات شاہانہ محضری) دیکھیں

جو کمری لہر قلبہ مانعہ برہمن

اولیٰ ملہم اور آئندہ تاریخی

کینتری صیفا (محمد غامدی)

۱۳۳۶

سلطان محمد خان سادس حضرتلرینک جلوسلری

سلطان مغفورک ارتحاللری اوزرینہ اجداد عظامنک اورنک ہایوننہ بالارث والاستحقاق
جالس اولان خلیفہ نوین ومتبوع مکرم

سلطان محمد خان سادس حضرتلری

۱۲۷۷ سنہ ہجریہ سی رجب شریفنک یکرمی برندہ (۱۲ کانون ثانی ۱۸۶۱) جتیمکان
سلطان عبدالمجید خان تاب تراہ حضرتلرینک صلب پاک تابنا کندن قدم نہادہ عالم شہود
اولمشردر .

اوتوز یدنجی پادشاہ عثمانیان ویکرمی سکرنجی خلیفہ اسلامیان اولان شوکتآب
افندمن حضرتلری والد ماجدلری واجداد عظامنک برچوقلری کپی مزایا وفضائل جلیلہ ایلہ
مفطور یرذات سنی الحصالدر . پادشاہ نوجاہ افندمن حضرتلرینک کرک اوروپایہ وقوع بولان
سیاحترلندہ وکرک ملوک متفقہ حضراتنک استانبولی تشریفلرندہ . نبالت خلق شہریاری
بالخاصہ انظار دقت ونقدیری جلب ایتشدی .

متبوع مکرم ومفخمن شوکتآب افندمن حضرتلرینک تخت عالیخت عثمانیہ

جلوسلارنی کمال تعظیم و تکریم ایله تبریک و برادر مکرملرینک ارتحاللرندن طولانی ایقای
تعزیت و خاکپای هایونلرینه تقدیم عبودیت ایلرز .
هان جناب حی لایموت سوکیلی خلیفه و پادشاهمز افندمز حضرتلرینی آمال هایونلرنده
نائیل مظهریت و موفقیت و ممالک اسلامیة و عثمانیه بی هر درلو آفاق و اکداردن مصون
بیورسون آمین .

تاریخ ملوس لهجابونه

افاضل شعرای عثمانیه دن علی امیری افندی طرفندن انشاد اولنوب (اقدام) رفیقمزده انتشار
ایدن تاریخ بمن آرادر .

محمد شاه ملوس جانب فردوسه عزم ایلدی
بوماعلی خبرده لهب کوکلار اولدی یاک غمکین
ملک فضلت فقط بر شهربار عالم آرانک
ملوس یاک ایلدی ملنک آلامنی نسکین
محمدالد و صیدالدین (محمد شاه) بمن اقزا
سرب شوکت عثمانیانی ایلدی تزیین
ملک خودر ، عدالت پیشدر ، شاهانه مشریم
عمر فضلت ، علی شیرمدر اول شاه قوی نمکین
جبرانه معدنمه یاد شاه مملکت افروز
خبرفت مسندمه شهربار معرفت آیین
مرفوق ایلمسونه الله تعالی هر امورمه
سرب ملطنتمه لایباب ایلمسونه خدا ، آیین
دیرم آداب ایله شاه و صیدالدین ایچونه تاریخ
محمد شاه ملوس مزده لر اولدی و صیدالدین

یکی ولی عهد حضرتلری

[آتی] رفیقز دن :

« لغات وقوامیسده خصائل عالیہ وفضائل برکتزیده بی افاده ایدر نه قدر کلمه و ترکیب وارسه جمله سنی ولی نوین عهد حضرتلرینک شان عالیلرنده استعمال ایدیکنز ، آلدانماز سکنز . عبدالمجید بن عبدالعزیز خان افندمنر حضرتلری خاندان سلطنتلری ایچنده کام کام ، یاوزلر ، فاتحلر شکنده التماع ایدن نیرذکائی ناصیه بلندلری ایله تمثیل بیوران بر شهزاده فاروق خصلتدرلر . ادیب ، متفکر ، رسام ، موسیقی شناس ، انسان کامل ، بر قلب عالی صاحبی اولان ولی عهد حضرتلری ایله وطنمزده ، دینمزده ، ملتیمزده ، آل عثمانده کسب مفخرت ایتسه لر سزادر ، بز سلطان محمد خان سادس کبی بر سلطان ذیشان ، عبدالمجید افندی حضرتلری کبی برولی عهد ذی عرفان بخش ایدن جناب مولایه عرض محمدیه بورجلویز . ملک وملتک سلامت و سعادتی مقدر اولاسه ایدی ملتکزک سر متبوعیتنده بویله خاندان جلیل العنوان بولونمازدی . »

☆☆☆

(ادبیات عمومیہ مجموعه سی) - که بونجه عواطف سنیله ریه مباحی بولنیور - ولی عهد نوین حضرتلری سده سنیة نجابتنا هیلرینه عرض تبریکات و تقدیم عبودیت ایدر .

جمال افکار

ارمنیلر وارمنستان

تعاقب ایدن حادثاتدن صرف نظر بحفاظة مایته موفق اولمق اعتباریلر ارمنیلر ، الحق ، یهودیلر ایله مقایسه اولونه بیلرلر .

ارمنیلر حکومت عثمانیه داخلنده جالب اهمیت بر عنصردر . فی الواقع عبدالمجید ثانی عهدنده کی وقوفاث مؤسسه یه قدر تاریخ عثمانی بونلرله پک اوقدر مشغول اولدی ؛ لکن ارمنی ملتک هیئت عثمانیه ایچنده بر موقعی واردر . بش بحق عصرلق حیات سا کئانه و سا کئانه لرنده ارمنیلرک ترکله ، ترهوک ارمنیلره خیلی دخل و تأثیر اولشدر . ارمنی سعی و عملی مملکتک ثروتنده حصه داردز . ممالک عثمانیه تک هر طرفنده ارمنی وارسه ده بونلرک اصل یرلری (ارمنیه کبری) و (ارمنیه